

O F F I C I U M

A P P A R I T I O N I S

S. JACOBI APOSTOLI,

E T

HISPANIARUM PATRONI.

D U P L E X.

DIE XXIII. MAII.

In festo Apparitionis sancti Jacobi
Apostoli, & Hispaniarum
Patroni. Duplex.

Ad Vesperas, Antiphona. Accé-
sit ad Jesum Mater filiorum Ze-
bedæ. cum reliquis de Laudibus. 6.
Psalmus. Dixit Dominus. cum re-
liquis de Dominica, & loco ul-
timi, Psalmus. Laudate Dominum
omnes Gentes.

Capitulum. 1. Cor. 4. b

Fratres, Puto quod Deus
nos Apostolos novissimos
ostendit, tamquam morti
destinatos: quia spectaculum facti
sumus mundo, & Angelis, &
hominibus.

Hymnus.

Defensor alme Hispaniæ,
Jacobe, vindex hostium,
Tonitruum quem filium
Dei vocavit Filius.

Huc cœli ab altis sedibus
Convérte dexter lûmina,
Audique læti débitas
Grates, tibi quas sólvimus.

Grates refert Hispania,
Felix tuo quæ nómine.
Ductûque perstat libera,
Vitatque Genti dedecus.

Tu, cum jacêret bárbaris
Cedens, & impar hóstibus;
Præfens inexpugnabile
Robur dabas Ramíro.

Tu, bella cum nos cingèrent;
Es visus ipso in prælio,
Equoque, & ense acerrimus;
Mauros furêntes stérnere.

Per te redemptæ Virgines
Laudis repêndunt cântica,
Nosque à tributo liberi,
Hymni tributum pëndimus.

Deo Patri sit glória,
Et Filio, qui à mórtuis
Surréxit, ac Paráclito,
Et nunc, & omne in sæculum.
Amen.

✱. Constitues eos Príncipes super
omnem terram, allelúia. ✱. Mé-
mores erunt nóminis tui Dómine,
allelúia.

Ad Magnificat, Antiphona.

Visitavit nos per sanctum suum
Apostolum, & fecit salutem de ini-
micis nostris, Dominus Deus no-
ster, allelúia.

Oratio:

Deus, qui Hispaniarum Gen-
tem beato Jacobo Apósto-
lo tuo protegendam mi-
sericórditer tribuisti, & per eum

ab imminenti exito mirabiliter liberasti: concède quæsumus, ut eodem protegente pace perfruamur æterna. Per Dominum.

Ad Matutinum, Invitatorium.

Christum Regem triumphantem in terris, * Venite adoræmus, alleluia. Psalmus. Venite, exultemus.

Hymnus.

Jacòbum célebret fortis Ibèria; Jacòbum méritis tollat honóribus,

Per quem, barbarici nescia fœderis,

Victrix imperat hostibus.

Vædígital trùcibus pèndere flèbile Urgètur dómimis imperiósiss; Centenasque lupis spontè rapácibus

Lectas sistere Virgines.

Aversata nefas, arma ferocior Poscit mox Arabem, fida Ramitio,

It contrà: número sed nimis impari

Virtus cedere cogitur.

Quid sperare datur? Pròmicat æthere

Proles horrifici clara tonitruu, Lunatasque acies, ágmina bárbara

Sacro lumine disjicit.

Ardens in médios fertur acinaces, Instatque attonitis; undique pavidos

Maurorum cuneos rumpit & integra

Victor præterit ágmina.

Esto exercituum non superabili Ductóri, ac Dómimo, jugis honor Patri,

Cum Prole Unígena, almòque Pneumate,

Per labéntia sæcula.

Amen.

Antiphonæ, Psalmi, y. primi, secundi, & tertii Nocturni de Comuni Apóstolorum tempore Paschali.

In primo Nocturno.

De libro secundo Machabæorum.

Lectio j.

Cap. 11.



Ysias, procurator regis, & propinquus, ac negotiorum præpositus, graviter ferens de his, quæ acciderant, congregatis octoginta millibus, & equitatu univèrso, veniebat adversus Judæos, existimans se civitatem quidem captam Gèntibus habitaculum factorum, templum verò in pecuniæ quæstum, sicut cetera delùbra Gèntium, habiturum, & per singulos annos venale sacerdotium: nusquam recogitans Dei potestatem, sed mente effrenatus, in multitudine peditum, & in millibus equitum, & in octoginta elephantis confidebat. Ingressus autem Judæam, & appropians Bethsuræ, quæ erat in angusto loco, ab Jerosolyma intervállo quinque stadiorum, illud præsidium expugnabat.

Procédens Jesus juxta mare Galilææ, vidit duos fratres, Jacòbum Zebedæi, & Joannem fratrem ejus, in navi, * Et vocavit eos: qui statim relictis retibus, & patre, secuti sunt Dòminum, alleluia. y. Erant Jacòbus, & Joannes fratres in navi cum Zebedæo patre eorum, reficientes retia sua. Et vocavit.

Lectio ij.

UT autem Machabæus, & qui cum eo erant, cognoverunt expugnari præsidia, cum fletu & lacrymis rogabant Dòminum, & omnis turba simul, ut bonum Angelum

gelum mitteret ad salutem Istaël. Et ipse primus Machabæus, sumptis armis, ceteros adhortatus est simul secum periculum subire, & ferre auxilium fratribus suis. Cumque pariter prompto animo procederent, Jerosolymis apparuit præcedens eos eques in veste candida, armis aureis hastam vibrans. Tunc omnes simul benedixerunt misericordem Dominum, & convalescerunt animis: non solum homines, sed & bestias ferocissimas, & muros ferreos parati penetrare.

R. Vocavit ad se Dominus Jacobum Zebedæi, & Joannem fratrem Jacobi, & fecit ut essent secum inter duodecim, & ut mitteret eos prædicare. * Et imposuit eis nomina Boanerges; quod est Filii tonitruum, alleluia. **ψ.** In omnem terram exivit sonus eorum, & in fines orbis terræ verba eorum. Et. **Lectio iij.**

Ibant igitur prompti, de cælo habentes adiutorem, & miserantem super eos Dominum. Leônium autem more irruentes in hostes prostraverunt ex eis undecim millia peditum, & equitum mille sexcentos: universos autem in fugam verterunt, plures autem ex eis vulnerati nudi evaserunt. Sed & ipse Lysias turpiter fugiens evasit. Et quia non insensatus erat, secum ipse reputans, factam erga se diminutionem, & intelligens invictos esse Hebræos, omnipotentis Dei auxilio innitentes, misit ad eos: promisitque se consensurum omnibus, quæ justa sunt, & Regem compulsurum amicum fieri. Annuit autem Machabæus precibus Lysias, in omnibus utilitati consulens.

R. Cum venisset Jesus in domum principis Synagogæ, * Non permisit intrare secum quemquam, nisi Petrum, & Jacobum, & Joannem, & patrem, & matrem puellæ, alleluia. **ψ.** Et dixit: Nolite flere, non est mortua puella, sed dormit. Non permisit. **Gloria Patri. Non permisit.**

In secundo Nocturno.

Lectio iv.

Inter innumera, eaque maxima beneficia, quæ beato Jacobo Apóstolo, ac Tutelari suo munificentissimo accepta refert Hispania, illud in primis memorandum, & æterna grati animi significatione recolendum est, quod ad Clavigium, Rivogæ montem, olim obtinuit. Cum enim Saraceni, Hispaniæ latissime dominantes, centum nobiles puellas à Christianis exigere consuevissent, easque Abderramânus, potentissimus ipsorum Rex, tributum nomine, representari sibi minaci legatione flagitaret, Ranimirus, qui Legionis Regnum nuper adierat, ad effrontem Mauri postulantis audaciam totus inhorrui: certusque extréma quæque experiri potius, quam tantum Christianæ Fidei probrum, tantum nomini Hispano labem aspergere; aut pati, ut Christianæ Virgines Mauris, id est, margaritæ porcis, innocentes agnæ voracibus lupis traderentur, ex tota ditione, quotquot erant armis idonei ad signa vocavit; coactoque exercitu, quenz Præsules, Sacerdotes, alique Viri sacri, ut in communi discrimine, spontè sequebantur, in Maurorum fines ultrò animosus irrupit. Abderramânus contra potentia tumidus, repulsa ferox, & Ranimiri provocatione

catiōne ferocior, auctis novo delectu veterānis cōpiis, Africa etiā in auxiliū evocāta, impigrè Christiānis occūrit.

R. Assūpsit Jesus Petrum, & Jacōbum, & Joānnem fratrem ejus, & duxit illos in montem excelsū seorsū, * Et transfigurātus est ante eos, alleluia. **Y.** Et ecce apparuerunt illis Mōyses & Elīas cum eo loquētes. Et. **Lectio v.**

AD Alvēdam, Rivōgiæ oppidū, collātis signis, totis utriūque viribus, & tantā contentiōne depugnātum est, ut atrox, cruentaque dimicatio diem extraxerit, ancipiti semper, & pendente victōria: donec ea sub noctem in Mauros jam inclināte, Ranimirus fatigātas, & promptissimōrum nece imminūtas cōpias in prōximum collem, cui Clavigio nomen est, opportunè subdūxit. Loco pro tēpore munito, & vulnerātis cura adhibita, in suprēma rerum desperatiōne, luctūque, omnes, ut sit, in vota, & preces effūsi. Regem mœrōre confectū, & de suōrum salūte sollicitū, anxiumque, somnus opprēssit. Dormienti objecta est species viri augustior, quā pro humano hābitu; & sciscitanti quisnam esset? Sum, inquit, Jacōbus Apōstolus, cui à Dōmino Hispāniæ tutelā commissā est. Ne time: manē ādero, & me duce, de circumfūsa Saracenōrum multitudīne illustrem victōriam reportābis. Rex ad has voces evigilans, & nūntio latus, Præsules, Magnātes, Duces ad se vocat, & de re tota edōctos, ac cœlestibus promissis animātos, militum etiā animos erigere, manipulos ordinare, aciēmque instrūere jubet.

R. Potēstis bibere cālicem quem ego bibo? aut baptismo, quo ego baptizor, baptizari? dixit Jesus Jacōbo & Joānni filiis Zebedæi. * At illi dixerunt ei, Possūmus, alleluia. **Y.** Calicem quidem, quem ego bibo, bibētis; & baptismo, quo ego baptizor, baptizabimini. At illi.

Lectio vj.

TUM, signo dato, Hispāni è vertice montis, velut impavidi leones, aut ursi præcīpites ruunt, irrūntque in Mauros, mira alacritate, magnisque vocibus sanctum Jacōbum ingeminātes. Apōstolus, uti erat pollicitus, equo infidens candidissimo, nīveum vexillum præferens, gladiōque fulmineo minax, Hispānos suos anteire, atque in hostem ducere visus est, equoque, & ense acerrimus Mauros furētes sternere, ac proculcāte; ponē sequētibz Hispānis, & per attonitas jam phalanges terrorem, & stragem latè spargētibz. Deīndē afflictā, ac lacerā illā Hispānōrum reliquā, cæsis septuaginta circiter Saracenōrum milibus, reliquis profligatis, jugo Māuricæ servitūtis excūso, & turpissimo vestigali prorsus abōlito, de hoste superbissimo, & paulo antè victōre, gloriōsè pariter, ac miraculōsè triumpharunt. Rex, Præsules, Magnātes, Duces, victorque exercitus, secundū gratias Deo actas, univērsam Hispāniā beāto Jacōbo vestigālem fecere certæ mensuræ frumēnti, vini que pro singulis terræ jūgeris, primitiārum more, ex voto pendēdæ. De quo extat luculentum Ranimiri Regis Diplōma, aliorūque etiā Regum Diplōmatis inscriptum,

sértum, confirmátumque, Románorum Ponúficum Decrétis roborátum, & perpétua ad hodiérnam diem observántia ratum, ac firmum. Porro victóriam ádeò mirabilem, & Hispániz salutárem, Deo, ac beáto Jacóbo Patróno suo adscribendam, Hispánia ipsa anniversária gratitúdine, ac celebrítate profitétur.

R. Assumpsit Jesus Petrum, & Jacóbum, & Joánnem secum, & cœpit pavêre, & rædere: * Et ait illis: Tristis est ántma mea usque ad mortem, allelúia. *V.* Sustinête hîc, & vigilâre mecum. Et ait illis. *G*loria Patri. Et ait illis.

n tertio Nocturno.

*L*ectio sancti Euangélii secundum Matthæum.

Lectio vij. Cap. 20.

*I*n illo tẽpore: Accessit ad Jesum Mater filiõrum Zebedæi cum filiis suis, adorans & petens áliquid ab eo. Et reliqua.

Homilia Venerábilis Bedæ Presbyteri.

*C*redendum est, quod illa máximè causa, vel muliebrem matris afféctum, vel carnáles adhuc discipulõrum ántimos ad hæc postulánda concitáverit, quia meminissent fermõnis Dõmini, cum ait: Cùm séderit Filius hóminis in sede majestátis suæ, sedébitis & vos super sedes duódecim; noscẽtque se inter discipulos speciálissimè à Dõmino diligi, se speciálissimè cum beáto Petro conscios sæpè factos arcanõrum, quæ ignorarent ceteri, quod frequens sancti Euangélii textus indicat.

R. Misit Heródes rex manus, ut affligeret quosdam de Ecclesiá.

* Occidit autem Jacóbum fratrem

Joánnis gládio, allelúia. *V.* Ecce ego mitto ad vos Prophétas, & sapiéntes, & scribas, & ex illis occidẽtis. Occidit.

Lectio vij.

*H*inc est enim, quod ipsis quoque, quomodo Petro, novum ab illo nomen impõnitur: ut sicut ille, qui prius Simon dicebatur, per fortitudinem, ac stabilitatem fidei impugnábilis vocabulum Petri méruit; ita & isti Boanerges, hoc est, Filii tonitruí vocarẽntur: quia videlicet & vocem Patris super Dõminum in monte clarificatum uná cum Petro audirent, & plura áliis discipulis mysteriõrum secréta cognoscerent.

R. Iste est qui ante álios Apóstolos primus plantávit Ecclesiám sanguine suo: * Cujus corpus in Gallæciam delátum per totum orbem glória illustrátur, allelúia. *V.* O sidus, ô decus Hispániz, sancte Jacóbe Apóstole, intercède pro nobis ad Deum qui te elégit. Cujus corpus. *G*loria Patri. Cujus corpus.

Lectio ix.

*Q*uia verò iidem filii Zebedæi promptum gerébant ánimum ad bibendum cálicem Dõmini, constat eos cum ceteris Apóstolis dignitatem sédium, quam quærébant, accepisse; non tamen ea distinctiõne, qua petébant, sed ambo prius ad sinistram ejus ad tempus, ambo nunc ad dexteram ejus sedere perpétuò meruerunt. A sinistris quippè Christi sedébant, cum regendis in hac vita fidélium pópulis Apostólicò jure præsidèrent, illo nimirum in regno, de quo ipse ait: Regnum Dei intra vos est. Sedent à dextris nunc in illa,

illa, quæ mortem nescit, vita;
iudices mundi cum illo, utramque
hanc sedem illis ipso Filio cum
Patre parante.

Te Deum laudamus.

A D L A U D E S,

& per **Horas, Añã.**

Accēssit ad Jēsum Mater filiō-
rum Zebedæi cum filiis suis,
adorans, & petens aliquid ab eo,
alleluia. **Psalmus. D**ominus regnā-
vit. **cum reliquis de Dominica.**

Añã. Dic, ut sedeant hi duo filii
mei, unus ad dexteram tuam, &
unus ad sinistram in regno tuo,
alleluia. **Añã.** Potēstis bibere calicem,
quem ego bibiturus sum?
Dicunt ei: Possumus, alleluia.

Añã. Calicem quidem meum bi-
bētis: sedēre autem ad dexteram
meam, & ad sinistram, non est
meum dare vobis, sed quibus pa-
rātum est à Patre meo, alleluia.

Añã. Quicumque voluerit inter
vos major fieri, sit vester mini-
ster, alleluia.

Capitulum. 1. Cor. 4. b

Fratres, Puto quod Deus nos
Apóstolos novísimos ostēdit,
tamquam morti destinatos: quia
spectaculum facti sumus mundo,
& Angelis & hominibus.

Hymnus.

Defensor alme Hispániæ,
Jacobe, vindex hostium,
Tonitruum quem filium
Dei vocavit Filius.

Huc cœli ab altis sedibus
Convérte dexter lumina,
Audique læti débitas
Grates, tibi quas solvimus.

Grates refert Hispânia,
Felix tuo quæ nomine,
Ductūque perstat libera,
Vitatque Gentis dedecus.

Tu, cum jacēret barbaris
Cedens, & impar hostibus,
Præsens inexpugnabile
Robur dabas Ramirio.

Tu, bella cum nos ingerent,
Es vius ipso in prælio,
Equoque, & ense acerrimus,
Mauros furētes stērnere.

Per te redemptæ Virgines
Laudis repēdunt cantica,
Nosque à tributo liberi
Hymni tributum pēdimus.

Deo Patri sit glória,
Et Filio, qui à mortuis
Surrexit, ac Paráclito,
Et nunc, & omne in sæculum,
Amen.

ÿ. Annuntiaverunt ópera Dei,
alleluia. **ꝛ.** Et facta ejus intellexē-
runt, alleluia.

Ad Benedictus, Antiphona.

Mirabilem sancti Jacobi Apóstoli
hodiē psallētes victóriam, máxi-
mo cum gaudio laudēmus nomen
Dómini, alleluia. **Oratio.**

Deus, qui Hispaniarum Gen-
tem beato Jacobo Apóstolo
tuo protegēdam misericórditer
tribuisti, & per eum ab imminē-
ti exítio mirabiliter liberaisti: con-
cède quæsumus, ut eodem prote-
gēte pace perfruámur æterna. Per
Dóminum nostrum.

Ad Tertiam, Añã. Dic, ut sé-
deant. **Capitulum.** Fratres, Puto
quod Deus. **ut supra.**

ꝛ. breve. In omnem terram exi-
vit sonus eorum, * Alleluia, alle-
luia. In omnem. **ÿ.** Et in fines or-
bis terræ verba eorum. Alleluia,
alleluia. **Gloria Patri.** In omnem.
ÿ. Constitues eos principes super
omnem terram, alleluia. **ꝛ.** Mé-
mores erunt nómínis tui Dómine,
alleluia.

Ad Sextam, Antiphona.

Potéstis bíbere Cálicem.

Capitulum.

1. Cor. 4. c

Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles.

℞. brevc. Constitues eos principes super omnem terram, * Allelúia, allelúia. Constitues. **℥.** Mémoires erunt nóminis tui Dómine. Allelúia, allelúia. **G**loria Patri. Constitues. **℥.** Nimis honorati sunt amici tui Deus, allelúia **℞.** Nimis confortatus est principatus eorum, allelúia.

Ad Nonam, Antiphona.

Quicumque volúerit.

Capitulum.

1. Cor. 4. d

Nam si decem millia pædagogorum habeatis in Christo, sed non multos patres. Nam in Christo Jesu per Euangélium ego vos genui.

℞. br. Nimis honorati sunt amici tui Deus, * Allelúia, allelúia. Nimis. **℥.** Nimis confortatus est principatus eorum. Allelúia, allelúia. **G**loria Patri. Nimis. **℥.** Annuntiaverunt ópera Dei, allelúia.

℞. Et facta ejus intellexerunt, allelúia.

Ad Vesperas, Antiphonæ de Laudibus. 6. Psalmi út in secundis Vesperis de Comuni Apóstolorum. **Capitulum & Hymnus, út in primis Vesperis. ℥.** Nimis honorati sunt amici tui Deus, allelúia. **℞.** Nimis confortatus est principatus eorum, allelúia.


Ad Magnificat, Antiphona.

O beátum Apóstolum, qui inter primos electus, primus omnium Apóstolorum Dómini cálicem bíbere méruit! O gloriósum Hispániæ regnum, tali pignóre, ac patróno munítum, per quem fecit illi magna, qui potens est, allelúia.

Oratio.

Deus, qui Hispaniarum Gentem beato Jacobo Apóstolo tuo protegendam misericórditer tribuisti, & per eum ab imminenti exitio mirabiliter liberasti: concede quæsumus, ut, eodem protegente, pace perfruámur aeterna. Per Dóminum nostrum.

Si occurrat hoc Festum extra tempus Paschale celebrari, serventur Rubricæ Breviarii, & Missalis Romani.



HISPANIARUM.

Sanctissimus Dominus noster Benedictus Papa XIV. Episcoporum Hispaniæ precibus benignè inclinatus suprascriptum Officium cum Missa Apparitionis sancti Jacobi Apostoli, ac Hispaniarum Patroni approbavit, ac ab omnibus tam Sacularibus, quàm Regularibus, qui ad Horas Canonicas tenentur, in Civitate, & Diœcesi Compostellana, sub Ritu Duplici secundæ Classis; in ceteris verò Hispaniarum Provinciis sub Ritu Duplici minori recitari, ac respectivè celebrari posse indulgit, atque concessit. Hac die 27. Julii 1750.

D. F. Cardinalis Tamburinus, Præfatus.

Loco ✠ Sigilli.

T. Patriarcha Hierosolymitanus, Secret.